

Technical and Bibliographic Notes / Notes techniques et bibliographiques

The Institute has attempted to obtain the best original copy available for filming. Features of this copy which may be bibliographically unique, which may alter any of the images in the reproduction, or which may significantly change the usual method of filming, are checked below.

L'Institut a microfilmé le meilleur exemplaire qu'il lui a été possible de se procurer. Les détails de cet exemplaire qui sont peut-être uniques du point de vue bibliographique, qui peuvent modifier une image reproduite, ou qui peuvent exiger une modification dans la méthode normale de filmage sont indiqués ci-dessous.

- Coloured covers/
Couverture de couleur
- Covers damaged/
Couverture endommagée
- Covers restored and/or laminated/
Couverture restaurée et/ou pelliculée
- Cover title missing/
Le titre de couverture manque
- Coloured maps/
Cartes géographiques en couleur
- Coloured ink (i.e. other than blue or black)/
Encre de couleur (i.e. autre que bleue ou noire)
- Coloured plates and/or illustrations/
Planches et/ou illustrations en couleur
- Bound with other material/
Relié avec d'autres documents
- Tight binding may cause shadows or distortion
along interior margin/
La reliure serrée peut causer de l'ombre ou de la
distorsion le long de la marge intérieure
- Blank leaves added during restoration may appear
within the text. Whenever possible, these have
been omitted from filming/
Il se peut que certaines pages blanches ajoutées
lors d'une restauration apparaissent dans le texte,
mais, lorsque cela était possible, ces pages n'ont
pas été filmées.

- Coloured pages/
Pages de couleur
- Pages damaged/
Pages endommagées
- Pages restored and/or laminated/
Pages restaurées et/ou pelliculées
- Pages discoloured, stained or foxed/
Pages décolorées, tachetées ou piquées
- Pages detached/
Pages détachées
- Showthrough/
Transparence
- Quality of print varies/
Qualité inégale de l'impression
- Continuous pagination/
Pagination continue
- Includes index(es)/
Comprend un (des) index

Title on header taken from: /
Le titre de l'en-tête provient:

- Title page of issue/
Page de titre de la livraison
- Caption of issue/
Titre de départ de la livraison
- Masthead/
Générique (périodiques) de la livraison

- Additional comments: / Text in Ojibwa (Chippewa)
Commentaires supplémentaires:

This item is filmed at the reduction ratio checked below/
Ce document est filmé au taux de réduction indiqué ci-dessous.

10X	12X	14X	16X	18X	20X	22X	24X	26X	28X	30X	32X
					✓						

KAEZHETABWAYANDUNGE BUN

KUHYA

KAEZHEWABEZEPUN

Owh Anuhmeand

KEAHNESHNAHBABEËGAHDAG

KEAHNEKENOOTAH TAFBEUNG

OWH FREDERICK A. O'MEARA.

SHARGAUNAUSHE MAKUHDAYAKUH NAYA NAHNETOGARNENG ANDUHRHE
KUHGEQUAD.

COBOURG

PRINTED AT THE DIOCESAN PRESS,
FOR THE CHURCH SOCIETY OF THE DIOCESE OF TORONTO.

MDCCCXLIV.

KAEZHETABWAYANDUNGE BUN

KUHYA

KAEZHEWABEREPUN

Owh Anuhmeaud

KEAHNESHNAHBABEËGAHDAG

KEAHNEKENOOTAH TAHEUNG

OWH FREDERICK A. O'MEARA,

**SHAHGAHNAUSHE MAKUHDAYAKUHNAYA MAHNETOOAHNENG ANDUHRHE
KUHGEQUAD.**

COBOURG:

**PRINTED AT THE DIOCESAN PRESS,
FOR THE CHURCH SOCIETY OF THE DIOCESE OF TORONTO;**

MDCCCXLIV.



CHAPTER I.

1. Ewh ahnuhmeahwen ahwun ahvundahwekezhewah-nend Kuhya azhe buhmeetahwend Kesha Muhnedoo enene-wug azhemuhzenuhahmahwahwaud undakhughwa teban-duhmeng enewh pahnukken oozhebeëgunun tahkushketoom e-cwh puggukkanduhmeng.

2. Magwah pahahbenoojeëweyun kebeonjekookekandah-mun enewh pahnukken oozhebeëgunun kashkeawezemah-gukken chenebwahkahegooyun emuh bemahjeëwaweneng dabwayanduhmooweneng duhgooseng ayahmung emuh ooweyoueng ou Christ Jesus. 2 *Tim.* iii. 15.

3. Emuh oodenanduhmoozhewaweneng ou Kesha Muhne-doo Kegeonjemenegoomen kuhkenuh enewh oodoozhebe-egunun kuhya daahpetandahgwudoon chekekenooahman gooyungoobun, chekuhgekemegooyungoobun, chequhyuk-wanduhmoonegooyungoobun, chekekenooahmahgooyungoo-bun emuh nebwabhahweneng, Kesha Muhnedoo oobuh meetahgun chequhyukwahdezed wahweenga chewahwa-zheënd emuh kuhkenuh menooezhechegaweneng. 2 *Tim.* iii. 16, 17.

4. Oonoo nendekedoowenun kedahahsunjegoonahwaun emah kedaewaung kuhya dush emuh kechechaugoowaung kegahkuhkenuhahmahwahwaug kenejahnesewaung oonoo, kegahduhzhendahnun uhpe namuhduhbeyunen kewege-wahmeng kuhya uhpe bemoosayunen mekunaung uhpe wahkuhweshemooyunen kuhya uhpe waneshkahyunnen.— *Deut.* ii. 18, 19.

5. Nundahkekandahmook enewh oozhebeëgunun, me mah emuh anandahmahzooyag kahgega bemahdezewen me dush egoo enewh tebahjemegooyaanen. *St. John* v. 39.

6. Tahbussanduhmooweneng ezheodahpenahmook ewh ekedoowen peenjenah kaahtagebun, kashkeawuk chebemah

jeaud kechechaugoowaun, doodahmook akedoomahguk, kahween pezhesheg kedahbezenduhsenahwah, tebenahwa wuhyazhendezooyag. *James* i. 21, 22.

7. Dooskahbeëshen kaonjewahbundahmaun enewh ma-maundahwukken emuh kedahnahkoonegaweneng. *Psaln* cxix. 18.

8. Enewh kahmooduken Jehovah kekeshamuhnedoome-naun oodebandahnun, enewh dush ween mazheshahweset-tahmahgooyungoon kenuhwend kedebandahnahmen kuhya kenejahnesenahneg uhpurna kahgeneg chemekendahmung kuhkenuh oonoo kuhgequawene ekedoowenun. *Deut.* xxix. 29.

CHAPTER II.

Kesha Muhnedoo azhewabezed.

Kesha Muhnedoo ahwe owh wazhe'wad kuhya ganuhwanjegad manoodoodahgad kuhya mahmahwe dabanengad.

1. Kesha Muhnedoo Oojechangoowe, oogoo edush andah-wekezhewahnegoojen tuhundahwekezhewunegoon emuh oojechaugoowaung kuhya emuh dabwaweneng. *St. John* iv. 24.

2. Ween suh keonjekerhechegahdawun kuhkenuh-uhye'n anduhgoogen, ewede eshpemeng kuhya oomah uhkeeng ayahgen. *Col.* i. 16.

3. Owh Jehovah ween Kesha Muhnedoowe, ween suh begoo kegeoozhe'goonaun, kahween dush ween kennuhwend kegeoozheedezoosemen, oonejahnesun kedahwemen kuhya oomahneshtahneshsemun ashummahjen. *Psaln* c. 3.

4. Ween keedoonjebemahdezemen kuhya kedoonyemuh-mahjemen kuhya kedoonyeahneshenahbawemen. *Acts* xvii 28.

5. Ahweyah nah oodahkushketoon chekahzood emuh kahmooduk, kuhnuhga chewahbuhmahsewug, ekedoo Owh Jehovah, kah nungwunah nemooshkunashkunse kezhek kuhya uhkee, ekedoo Jehovah. *Jeremiah* xxiii. 24.

6. Ahwanan nahsaub anandahgoozeyun anandahgoozed O Jehovah Ahwanan nahsaub keen anandehgoozeyun anandahgoozed, Penezeweneng wanjepezhegandahgoozeyun, emuh kootahmegoowahwezhandahgoozeweneng mahmaundahahnoo keeyun. *Exodus xv. 11.*

7. Keen O Jehovah kedebandaun kecheenandahgoozewen kuhya ewh mushkahwezewen kuhya ewh pezhegandahgoozewen kuhya ewh mahmauzhetwahwen kuhya ewh eshpandahgoozewen; kuhkenuh mah ayaugen emuh kezhegoong kuhya emuh uhkeeng keen kedoodnhyemenun. 1 *Chron. xxix. 11.*

8. Peeneze, Peeneze, Peeneze suh ahowh Tabanemaud Waquenoonejen *Isaiah vi. 3.*

9. Kesha Muhnedoo sahgeedewenewe Bakahdezewene Kesha Muhnedoo Oodoogwesemaun wayoosesegoog, tabahkoonahmahward shahgahwenejen ezhegabeze Kesha Muhnedoo emuh pezhegaudah gwudenengoodunduhnukkeweneng.

CHAPTER III.

1. Kahenahdezewaud kuhya kahenuhbewaud netum kahooketezemeyungoog Adam kuhya Eve.

2 Me dush Kesha Muhnedoo keozzheaud enenewun emuh tebenahwa oodenandahgoozeweneng emuh goo-odezhenahgoozeweneng owh Kesha Muhnedoo oogekerheahun enenewun kuhya equawun. *Gen. i. 27.*

3. Owh dush Jehovah Kesha Muhnedoo emuh weyuhgus saewung ewh uhkee oogeonjeonuhdenaun enenewun kenasad dush emuh oodanegoomeneng ewh bemahdezewene nasawen me dush kabezhe mahjeebemaahdezened oojechaugwun, ou enene. *Gen. ii. 7.*

4. Owh Jehovah Kesha Muhnedoo oogeketegahdaun ewh ketegahnanse emuh wabhuhnoong-enuhkayah ewh Eden, me dush emuh keahsaud enenewun kahoozheahjen chewahwazhesetooned kuhya cheguhnuhwanduhmened. *Gen. ii. 8, 15.*

5. Ow Jehovah ogeenahkoonau enenewun cheoogemahkunduhmened kuhkenuh enewh, oonenjeeng kahoozheetoojen kuhya kuhkenuh uhyeen oogeatoomahwaan emuh oosettahng. *Psalm viii. 6.*

6. Ow dush Jehovah Kesha Muhnedoo ogekuhgeke maun enenewun oo oo keenaud, kuhkenuh anduhsawahkoosewaudegewh metegoog emuh ketegaunanseng padubkezojeg, wanepuzh kedahaumwaug owh suh atuh nebwhakawene meteg kaonjekakanduhmengebung ewh waneshesheng kuhya ewh majuehyeweshewung, kahween kegahaumwahse; uhpe mahween goo kaaumwahwudan ahbetakummeg kegahneb. *Gen: ii. 16, 18.*

7. O Jehovah Tabunemeyaung keche enandahgwud suh ewh kedoonoozoowen oomah anegookuhkummegaug uhkeeng. *Psalm viii. 1.*

CHAPTER IV.

1. Ewh ooneshwahnahdezewen owh enene kuhya noonoom anahdezed emuh bahzahzeweneng ahnemezeweneng ookoo puddezeweneng kuhya oonebooweng.

2. Uhpe dush owh equa kahwahbuhmaud metegoon, oonesheshened cheaumoond kuhya menwahbuhmenahgoozened kuhya ewh chenewahkaung mesahwandahgoozened metegoon oogeoodahpenaun dush ewh azhe menewened, ogeaumwaun edush kuhya dush goo oogemenaun oonahbamun kuhya ween dush goo ogeaumwaun. *Gen. iii. 6.*

3. Ow pazheg enene keonjepeendegamahgud ewh mujjeezhewabezewen oomah uhkeeng, mujjeezhewabezeweneng dush keonjeemahgud ewh neboowen. Mesuh, neboowen kahoonejahnekaodessegoowaud kuhkenuh enenewug, kuhkenuh mah kemujjeezhewabzewug. *Romans v. 12.*

4. Kahween ahweyah quzyukezhewabzewese kah kuhnuh gapazheg; kuhkenuh kemujjeezhechegawug kuhya kenoonasawug emuh pezhegandahguddeneg ootabahkoonegaweneng owh Kesha Muhnedoo. *Romans iii. 10, 23.*

5. Kubgwahnesuggezewug suh kuhkenuh egewh, ahbeta-kummeg andoodunsegoog kubkenuh emuh tebahkoonega-wene muzzeneguneng azhebeegahdagen. *Gal. iii. 10.*

6. Mujjeëzhewabezewen tebahuhmeng, me neboowen Enahkoonegahzoowug kubkenuh enenewug nengoodeng cheneboowaud eshqauj edush menuhwah chetebahkoonendwah. *Rom. vi. 23. Heb. ix. 27.*

7. Kagooween wahwezhanendezookan wahezhebemahdezeyun wahbung, kah mahween kekekandusseen wahezhe-wabuk uhnenengookezheguk. *Prov. xxvii. 1.*

8. Ahwahshema wuhyazhëngashkemahgud oodawh dush ween ahnooj gagoo kuhya kuhgwahnesuggemujjeëzhewabezemahgud; ahwanan kakekandungebun. *Jer. xvii. 9.*

9. Kahween kenuhwend tebenuhwa kekushketoosemen gagoo chëtapuggukkanduhmung kekushkeawezewenenauun Kesha Muhnedoong atuh kepeonjeemahgud. *2 Cor. iii. 5.*

10. Kesha Muhnedoo shahwanemeshen neen bahayahtahreyaun kagoo tebahkoonahkan kebulmeetahgun O Jehovah emuh enuhsumuhbeyun mah kah weyah, menooëzhewabezetahananemah. *St. Luke xviii. 13. Psalm cxliii. 3.*

CHAPTER V.

Azhebemahjeëgoowaud egewh enenewug, Jesus Christun Tabanenganejen.

1. Ookahgega oogwesun owh Kesha Muhnedoo.

2. Mesuh oomah ahyaug sahgeëdewen, kahween ewh kenuhwend kegesahgeahsewahnaun Kesha Muhnedoo ween atuh kegesahgeëgoonaun kuhya kebeezenahzhahwaud oogwessun chedebundoowenewened kaoujeekoowabenahmahgooyung kemujjeëzhewabezewenenahmen. *1 John iv. 4.*

3. Kahezhesahgetood suh owh Kesha Muhnedoo ewh uhkee tebenuhwa oogwessun oogemegewanun. Wagwan dush kadabwayanemahgwan chebahnahdezeseg, cheabyaung dush ewh kahgega bemahdezewen. *St. John iii. 16.*

4. Kah mahween owh Kesha Muhnedoo oogebeonjeëzhena-hzhahwahse oogwessun emuh uhkeeng chenahneboomahned akeewenejen, ewh suh goo akeewejeg ween egoo cheoonjebemahdezewaud. *St. John iii. 17.*

SECTION I.

*Owh Tabanemening Jesus Christ Kesha Muhnedoo oogwessun,
Kesha Muhnedoowewun kuhya ween nahsaub enewewun.*

1. Wahyashkud suh keahyah owh Ekedoowen kuhya dush owh Ekedoowen oogeweejewegoon Kesha Muhnedoon kuhya dush goo owh Ekedoowen Kekesha Muhnedoowe.—*St. John* i. 1.

2. Keche mahmaundahwud suh ewh menwahjemoowene kekanjegawen, Kesha Muhnedoo kemesheshahwahbuh menahgooze emuh weyahseng. *1 Tim.* iii. 16.

3. Nahsaub mah goo egewh wanejahnesemenjeg kahezhe duhgooahyahmoowaud ewh weyaus kuhya mesque me kuhya ween tebenuhwa kahezheoodahpenung oonoo. *Heb.* ii. 14.

4. Owh equa wanejahnesemahjen, mewun enewh, owh kenabeg kashahshahgoondebashkahgood.

5. Ewh kaezhenejahneseyun kuhkenuh anduhwayug-geseng oomah uhkeeng tahoonejeshahwandahgoozewug.—*Gen.* xxii. 18.

6. Abenooje kenuhwend kenegettahmahgoonaun, wagwewend kenuhwend kemenegoomen, emuh oodenemaunguneng oogahahyaun ewh oogemahwandahgoozewen. Mahmahkahdandahgoozed, Kagaundwad, Mashkahwezed Kesha Muhnedoo, Kahgegakummeg Wayoosemend, owh wagemahkundung pezaunbemahdezewen tahezhenekahzoo. *Isaiah* ix. 6.

SECTION II.

Oodenewewen kuhya obemahdezewen owh Christ.

1. Uhpe tabeshkoosanegoobunnan, Kesha Muhnedoo oogepenzhenahzhawaun oogwessun equa kahnegeahjen.—*Gal.* iv. 4.

2. Me oogoo kahoonejoondahdezede emuh weyoweng Christ ween wagemahkundahwaud kuhkenuh bamahdezene-

jen manwahjemgoozed Kesha Muhnedoowed uhpena kahgeneg Amen. *Rom. ix. 5.*

3. Ow h dush Ekedoowen kewayahseweah kuhy a kegeweejduhnuhkeemegoonaun kegewahbundahnaun edush oopeshegandahgoozewen, nahsaub anandahgwuddeneg oopesh-egandahgoozewen tabenahwa wagwesemahjen ow h Wayoos- semend maushkenashkahgood shahwandahgoozewen kuhy a tabwawen. *St. John i. 14.*

4. Kepuhbahmahdeze menoodoodahgad, Kesha Muhne- doon mah oogewejewegoon. *Acts x. 38.*

5. Nahsaub enanduhmook kenuhwah, kahenandung ow h Christ Jesus. *Phil. ii. 5.*

SECTION III.

Enewh kebahtahzewenenahmen keonjehooduggeëgood kuhy a kahoonejenesegood ow h Christ.

1. Kuhkenuh kenuhwend tahnahsah mahneshtahnesh- shug kegeëzhewuhneshenoomen kuhy a azhemenwandah- mung kuhkenuh kenuhwend kegeezhepuhkamen kuhy a dush ow h Jehovah oogebemoondahaun, kuhkenuh enewh kebahtahzewenenahmen. *Isaiah liii. 6.*

2. Kemujjeëzhehegawenenahmen keonjeshuhshahgoo- guhnamah, ween kepuhzhunzhawah kenuhwend cheonje- bemahdezeyung, ween dush oopukkettaegoowen kedoonej- nuhnaunduhweegoomen. *Isaiah liii. 5.*

3. Tebahkoonegawen chenahneboogoosewung, ow h Christ kegeonjekeshpenegoonaun, kenuhwend muh keon- jenahneboomah. *Gal. iii. 13.*

4. Ewh oomesqueemene ow h Jesus Christ Kesha Muhne- doo wagwesesejen emuh kuhkenuh mujjeëzhewabezeweneng kepeeneëgoomen. *1 John i. 7.*

5. Ow h kenuhwend kahoonejepuggedenedezood e ewh chekeshpenenenung, kuhnuhga chemujjeëzhewabezesewung, kuhy a dush chepeeneaud bamahdezenejen, emuh menoez- hehegaweneng maunwawezenejen. *Titus ii. 14.*

6. Me begoo nahsaub enanendezook e ewh nebookunduhmag mujjeezhewabezewen, Keshá Muhnedoo bemahdezetuhwag ween oonje Jesus Christ Tabanemenung. *Rom. vi. 11.*

SECTION IV.

Nasoogoonuhguddeneg keahbejebaud owh Christ.

1. Nasoogoonuhguddeneg keahbejebah debeshkoo goo pazhekandahgwukken oozhebeegunun akedoomahguk.—
1 *Cor. xv. 4.*

2. Christ emuh neboóweneng keonjeahbejebah kahween menuhwah tahneboose kahween kayahba tah kushkeegoosen enewh neboowen. *Rom. vi. 9.*

3. Christ ahzhe keahbejebah, ween dush netum keahbejebah menek nabahwaud *emuh nebooweneng*, ewh mahween eneneng keonjeemahgud neboowen, eneneng suh kuhya keonjeemahgud ahbejebahwen. 1 *Cor. xv. 20, 21.*

4. Nahsaub muh emuh Adameng kuhkenuh oonjenawug me nahsaub kuhkenuh keonjebemahjeendwah emuh Christeng. 1 *Cor. xv. 22.*

5. Enewh kemujjeezhechegawenenahmen keonjepuhgedenah, mennuhwah keooneshkahbenah, menooezhewabezewug cheonjeenanemegooyung. *Rom. iv. 25.*

6. Me muh e ewh chetebanemaud naboonejen kuhya bamahdezeenejen, owh Christ keonjena kuhya keonjeooneshkah kuhya keonjeahbahkahweze. *Rom. xiv. 9.*

7. Ewh kahezheahbejebahegood ahowh Christ e ewh pezhegahguddeneg oomushkahwezewen owh Wayoosemend mesuh nahsaub kuhya kenuhwend kaenoosayungoobun emuh ooshkebemahdezeweneng. *Rom. vi. 4.*

SECTION V.

Oombeshkahwen kuhya ookuhnoodahmahgawen owh Christ.

1. Magwah anahbewaud ahnooquud oogeoodahpenegoon kuhya oogekahzoogoon kewahbuhmahsegwah dush. *Acts i. 9.*

2. Ween owh Christ ahzhe kepeendega ewede goo eshpemeng kezhegoong noongoom edush kenuhwend cheonjenahgoozed ewede anduhnezed owh Kesha Muhnedoo. *Heb. ix. 24.*

3. Oodahtakushkean edush chetabemahjeand kuhkenuh Kesha Muhnedoo kabenaunzekahgoojen kakanduhmeng ewh uhpna bemahdezede cheguhnoodahmahgood. *Heb. vii. 25.*

4. Ween owh Kesha Muhnedoo kegemenwanemegoonaun wanash ween owh naneboongad. Ween owh Christ ahwe kahnebood; aah undahwahgoo kahahbejebaud owh egoo ayaud ewede ookechenekaung owh Kesha Muhnedoo, ween kuhya goo kanooduhmoonenung. *Rom. viii. 33, 34.*

5. Mahnoo tuhguh tahwahwezhandahgooze, taheshpandahgooze kuhya tahpeshegandahgooze kuhya tahmushkahanwahgooze owh namuhduhbed emuh oodoo gemahwuhbeneng kuhya owh mahneshtahneshans kahgeneg uhpurna kahgeneg. *Rev. v. 13.*

6. Nundahwahbundahmook oonoo uhyeen eshpemeng anduhgoogen ewede Christ nuhmuhduhbed emuh ookechenekaung owh Kesha Muhnedoo. *Col. iii. 1.*

CHAPTER VI.

Ewh Oozhke Kekendewen.

1. Nenkekendewen kegahuhyeenjesettahmoon che kesha muhnedookundoonaun kuhya egewh kenejahnesug keeshquahbemahdezeyun, keen kuhya emuh dush kenejahneseng kuhkenuh kaduhswayuggezewaud oomah uhkeeng tahoonejeshahwandahgoorewug. *Gen. xvii. 7, xxii. 18.*

2. Jesus Christ ween ahwe owh kah kezhetood ewh nuhwuj ooneshesheng kekendewen, emuh nuhwuj menoo-weendahmahdeweneng kahahyeenjesechegahdag. *Heb. viii. 6.*

3. Owh ween Moses kegepeetahmahgoonaun ewh enahkeonegawen; Shahwandahgoozewen kuhya ewh tabwawen Jesus Christeng kebeonjeemahgudoon. *St. John i. 17.*

4. Jesus Keëkedoo me oo nemesqueem wanjeooshkeken-
deeng, nebawah kesegwabenahmoonendwah, kaonjewabe-
negahdaneg enewh oomujjeëhewabezewenewaun. *St. Mat-
thew xxvi. 28.*

5. Jesus ketuhgweshen kebeweendahmahgad ewh menwah
jemoowenewung ewh oodoogemahwewen owh Kesha Muh-
nedoo oo keëkedood, Quakandahmook kuhya dabwayandah-
mook ewh menwahjemoowen. *St. Mark i. 14, 15.*

6. Keshpen sahyahgeewagwan kuhnuhwanduhmook ne-
kuhgequawenun. *St. John xiv. 15.*

7. Me oo kuhkenuh enenewug kaonjekekanemenagwah
e ewh meezhenuhwamenahgoog keshpen mamashquod suh-
sah geëdeyag. *St. John xiii. 35.*

8. Kedenenem sabgeek nashkanemenagoog, menoodoo-
dahwek egewh shaunganemenagoog kuhya ahnuhmeatah-
mahwek egewh nanuhpuggaunzhenenagoog kuhya quatug-
geënagoog. *St. Matthew v. 44.*

9. Ezhethwugganek, benaunzekahweshek dush, bezen-
dahmook kechechaugooaug edush tahbemahezewug
kuhya dush kahgeneg kamenjemooseng kekendewen kegah-
oozhetahmoonem, nahsaub enew ahbetakummeg tabesh-
koosamahguddeneg ooshahwandahgoozewenun owh David.
Isaiah lv. 3.

10. Anegookekuhmegaug suhswamahjahyook, ewh dush
menwahjemoowen wahweendahmoowek kuhkenuh bam-
ahdezejeg, ah-owh krdabwatung kuhya kabaptizemeënd
tahbemahejah, owh duhyabwatunseg tahnahneboomah.—
St. Mark xvi. 15, 16.

11. Kesha Muhnedoo ookuhgaunzoomaun kuhkenuh
enenewun mezee ayahnejen chequakandummed. *Acts
xvii. 30.*

12. Me oo oo ookuhgequawen ahyahwung ewh chetabwa
yandahmung ewh oodoonoozoowen Jesus Christ Kesha
Muhnedoo oogwesun kuhya mamashquad chesahgeëdeyung.
1 John iii. 23.

13. Ahweyah chepwah peenedaënd kahween tahwahbuh-
mahseen Jehovahun. *Heb. xii. 14.*

14. Ween keahwe kahkezhetahmoowaud kuhkenuh naet-
tahgoojen e-ewh ookahgegabemahjeëgoowen. *Heb. v. 9.*

15. Kahween kuhkenuh anduhchewaud egewh, Tabanen-
ga Tabanenga azhekuhnoozhejeg tahpeendegasewug emuh
eshpemeng duhzhe oogemahweweneng, ah-owh atuh kaäh-
nookahdung azhemenwaudung owh Noos eshpemeng kez-
egoong namuhduhbed. *St. Matthew vi. 21.*

16. Nuhyazh egoo ketebahjemootahwugwah egewh Jew-
yug, kuhya dush egoo egewh Greekug e-ewh chequakanduh-
mootahwahwaud Kesha Muhnedoon kuhya chetabwayan
emahwaud Tabanemenung Jesus Christun. *Acts xx. 21.*

17. Nengahahbwayandahnun e-ewh oomuhjeëzhechega-
wenewah, kuhya enewh oobahtahzewenewah. Kuhya
oomujjezhechegawenewah kahween menuhwah nengah me-
quandussenun. *Heb. viii. 12.*

18. Nengahahtoomahwaug nenkuhgequawenun emuh oo-
denanduhmoowenewaung kuhya emuh oodaewaung nengah-
oozhebeahnun neen dush nengahKeshaMuhnedookundah-
waug kuhya dush wenahwah nendahneshnahbamug tahah-
wewug. *Heb. viii. 10.*

19. Shahwandahgoozewug egewh anookeetungeg enewh
ookuhgequawenun e-ewh edush cheahyahwahwaud enewh
bemahdezewene metegoon, eshquaundameng cheenepeen-
degawaud emuh oodanaung. *Revelations xxii. 14.*

CHAPTER VII.

*Ween Christ wahtebahkoonaud kabemahdezenejen kuhya
naboonejen.*

1. Kesha Muhnedoo oogeweendaun pazhek kezhegud e-
ewh uhpe chetebah koonaud akewenejen emuh quiyuk te-
bahkoonegaweneng oogahahnoonanun enenewun kahween-
ahjen; ewh edush oonje kequhyukwanduhmooand kuhke-
nuh enenewun uhpe keahbejebahaud. *Acts xvii. 31.*

2. Owh Jehovah Jesus eshpemeng kezhegoong tahbeoon-
jenahgooze kuhya kacheenandahgoozenejen oodangelemun
emuh mashkookunag shkootang cheahzhetahwahaud ka-

kanemahsegoog Kesha Muhneedoon kuhya tuhyabwatun-segoog e-ewh oomenwahjemoowen owh Tabanemenung Jesus Christ kapuhzhunzhaoomenjen kahgega bahnahde-zeweneng emuh anduhnezeseq owh Jehovah, ayahmahgusse-nook azhepezhegandahguddeneg oomushkahwezewen uhpe tuhgwesheng chepeshegandahgoogood ookechetwahoomeez henahwamun kuhya ehemenwahbuhmegood kuhkenuh tuh-yabwatummenejen. 2 *Thessalonians* 1 7—10.

3. Tahtuhgweshen enene oogwesun oogahbeguhgezen oopezhegandahgoozewen kuhya oogahpewejewegoon kuh-kenuh pahnezenejen oodangelemun, me dush chewuhwa-nuhbened emuh oopezhegandahgoozewene ootuhbénahsoo-weneng Emuh dush enahsuhmuhbed tahmahwundoonahwug kuhkenuh anduhswayuggezewaüd bamahdezejeg, tebeshkoo goo azhe nuhyatahwenauđ owh mahneshtahneshewenene, mahneshtahneshun kuhya mezahboozoon, me ewh nahsaub kaezhenuhyatahwenauđ; ookechenekaung dush oogahah-saun mahneshtahneshun, nuhmunjenekaung dush ween mezahboozoon oo oo dush oogahenaun owh oogemah oo-kechenekaung enuhkayah nahbowenejen oondahshähyoök kenuhwah shawanemenag owh Noos duhnuhkeeyook suh emuh oogemahweweneng kahwahwazhetahmahgooyagoo-bun kahmahjenhkewung. Me dush Kubya ewh uhpe kae-naud nuhmunjenekaung enuhkayah naboowenejen, ahwus mahjahyoök kenuhwah kagwahnesuhgandahgoozeyag, ezhah yoök emuh kahgega eshkootang kahoozhettahmahwendebun owh Muhje Muhneedoo kuhya oodangelemun medush oogoo kaczhahwaüd emuh kahgega-kooduggezeweneng, egewh dush ween quiyuk azhewabezejeg kahgega bemahdezewen-eng tahezahwug. *St. Matthew*, xxv. 34—46.

4. Kuhkenuh mah kenuhwend pooch kegahenahgoozemen enahsuhmeahyahneg e-ewh tebahkoonewawene oopuhbewen owh Christ e-ewh edush kuhkenuh cheahyahmoowaüd kah-ehedoodahmoowaüd emuh owewouewaung, anandahgwud-deneg oodezhechegawenewah kahwesheshenoogwan, kah-mahnahdudoogwan. 2 *Cor.* v. 10.

5. Chenundahwandahmung manwandahgwuk ahpanemoo-
oowen e-ewh kaezhpezhegahandagoozed uhpe nahgoozed
ah-owh keche Kesha Muhnedoo kuhya bamahjeënung Jesus
Christ. *Tit. ii. 13.*

CHAPTER VIII.

Anahdezed keche Oojechaug.

1. Kesha Muhnedoo oojechaugwun kemuhmahjewun emuh
oogedebeeg. *Gen. i. 2.*

2. Kahween ween kuhyet aunwahchegawen emuh ooden-
anduhmoowenewaung enenewug kebeonzekahmahgusse-
noon, egewh atuh kachetwahwezejeg enenewug debeshkoo
kahezhegahgaunzemegoowaud kecheoojechaugwun keeke-
doowug. *2 Peter i. 21.*

3. Kekuhgaunzetahmoog kuhya oogeneshkeahwaun Pah-
nezenejen oojechaugwun. *Isaiah lxiii. 10.*

4. Owh Manoodaashkahgad nungagoo kecheoojechaug ;
ween egoo Tabwawene oojechaug. *St. John, xiv. 17, 26.*

5. Ah owh kahkeneweshketahwaud keche oojechaugwun
enenewun kekeneweshketahwahseg Kesha Muhnedoon atuh,
enahjemah.

6. Peter dush keëkedoo, Ananias ahneeshwen owh Satan
kemooshkenashkung ewh keda chekeneweshketahwud owh
keche oojechaug, kahween egewh enenewug kegekenewesh-
ketahwahseeg owh atuh Kesha Muhnedoo. *Acts v. 3, 4.*

Mahmaundahahnookewenun owh keche Oojechaug.

7. Kuhkenuh kemooshkenashkahgoowaun keche ojech-
augwun kemahjemayugenwawug debeshkoo ojechaugwun
kakhushkeawezeëgoowaud. *Acts ii. 24.*

8. Kesha Muhnedoo kuhya ween ooduhnahjemaun nuh-
yazh egoo emuh kekenoowahjehchegaweneng mahmahkah
dandahgoozeweneug kuhya ahnooj mamaundahahnooke-
weneng anandahgwuk kuhya ahnooj keche ojechaugwun
mahgewajen. *Heb. ii. 4.*

Moonzhug enookahzood owh keche Oojechaug.

9. Emuhshahwanjegaweneng kegeoonjebemahjeëgoonaun emuh kesebeegenegoowenahgwuk aunjnegeweneng kuhyia ood aunjeëwaweneng owh keche oojechaug pahoonzekahmahguk. *Tit. iii. 5.*

10. Keshpin keaunjnegeseg ah-owh enene emuh nebeeng kuhyia emuh Kesha Muhnedoo oojechaugwung kahween kuhnuhga tahpeendegase emuh Kesha Muhnedoo oodooemahweweneng. *St. John iii. 5.*

11. Uhpe dush ketuhgwesheng (owh Tabwawene oojechaug) oogahatabwayanduhmooaun akeewenejen ewh bah-tahzwen kuhyia ewh quhyukezhewabezewen kuhyia ewh tebahkoonewawen. *St. John xvi. 8.*

12. Oo oo azhemenewened Kesha Muhnedoo oojechaugwun Sahgeedewen, Pezaunbemahezewen Soongummunduhmoowen Puhbakahdezewen Menwahdezewen Mushkahwanduhmoowen Nookahdezewen Nuhetabeganemoowen. *Gal. v. 22, 23.*

13. Kesha Muhnedoo oosahgeëdewen, ookecheojechaugwun kahmeenegooyung kegebeseegenemahgoonaun kedaenaung. *Romans v. 5.*

14. Nengahpezhegandahgoeek suh owh, oogahoodahpenaun mah ewh tabanduhmaan kegahwahbundahegoowah dush. *St. John xvi. 14.*

15. Ooshkebemahezek emuh kedenandemoowenewaung peenjenah peezekoonayadezooyook owh ooshke enene, ween owh, nahsaub azhewabezed Kesha Muhnedoo kahezhe-wabezeënd emuh quhyukwahdezeweneng kuhyia wahweenga menoezhewabezeweneng. *Eph. iv. 23, 24.*

16. Keche oojechaug kuhyia ween kewedookahgoonaun kenuhwend pajeweyung. *Romans viii. 26.*

17. Eshpemeng kedenduhzhekoosewah oogahmeenaun keche oojechaugwun kuhkenuh menek andoodahmahgoojen. *St. Luke xi. 13.*

18. Kagoo ahtaahkagoon owh keche oojechaug. *1 Thess. v. 19.*

19. Kagoo menjenahwaahkagoon Kesha Muhnedoo oo-kecheoojchangwun, ween kakenoowahjeëneg peenesh egoo puhgummeahyang bemahjeëgoowene kezhegud. *Eph. iv. 30.*

20. Kahween uhpena kahgeneg owh nenjechaug oogahwekoojahseen enenewun. *Gen. vi. 3.*

CHAPTER IX.

Owh Pazhegandahgoozed, naswahdezed Kesha Muhnedoo.

Owh Wayoosemend owh Wagwessemend kuhya owh Keche oojechaug pazhekoowug.

1. Noondun O Israel Jehovah Kekesha Muhnedoomenaun pazekoo. *Deut. vi. 4.*

2. Pazhekoo suh atuh ah owh Kasha Muhnedoomeyung owh Wayoosemend wanjeduhgoog ahnooj gagoo, kenuhwend, edush wanjebamahdezeyung kuhya pazhekoo atuh Tabanemenung Jesus Christ ween wanjeduhgoog ahnooj gagoo kuhya kenuhwend wanjebamahdezeyung. *1 Cor. viii. 6.*

3. Nesewug egewh mahmahwe anahjemoojeg ewede eshpemeng kezhegoong owh Wayoosemend owh Ekedoowen kuhya owh Keche oojechaug oogoo dush neswe pazhekoowug. *1 John v. 7.*

CHAPTER X.

Shahwandahgoozed owh enene kaushpenahnend azhekekanemaud Kesha Muhnedoon kuhya ewh bemahjeëwawen.

1. Kagate suh dabwamahgud maundah debahjemoowene ekedoowen kuhya taahpetandahgwud cheoodahpenahmengebun, kebeëzhand owh Jesus Christ oomah uhkeeng chebemaheaud majeëzhewabezenejen. *1 Tim. i. 15.*

2. Kesha Muhnedoo, owh kahanahkoonegad chewahsayang kahduzhhepesuhgeshkaug oogahwahsashkahnun kedanahmen chewahsashkahgooyung kekanjegawen owh Kesha Muhnedoo oopeshegandahgoozewen emuh oodangwuhyeëng owh Jesus Christ. *2 Cor. iv. 6.*

3. Ween owh Jesus Christ oogmezsheshahwessetoon ewh bemahdezewen kuhya kahgegabemahdezewen emuh oomen-wahjemooeneneng. *2 Tim. i. 10.*

4. Emuh kecheketemahganjegaweneng ah-owh Kekesha Muhnedoomenaun owh kezheke-wahsahyahzewen pahtood, eshpemeng wanjeed kegeoonjepemoowuddesemegoonaun, chewahsashkahmoowaud akoo pesuhgeshkaug kuhya neboowene-ahgahwahtashemooweneneng namuhduhbenejen kuhya cheuhnequhyukesetood kesettahnahmen emuh pezaunah-yahweneng. *St. Luke, i. 78, 79.*

Ahwayanengawen menooezhewabeze-enanengawen kuhga Peenahdezewen.

5. Ween suh, kuhkenuh egewh aunwahjegawenenewug odenahjemahwaan. Ahwagawanuh tuhyabwayanemegoon tahoonje wabenegahdanewun oobahtehzewenun. *Acts x. 43.*

6. Ween owh Christ wahweenga ooge tebeshkoosetooawan ewh tebahkoonegawen kuhkenuh duhyabwayandummenejen. *Rom. x. 4.*

7. Kegesebeegenegoom, Kegepeeneëgoom, Kemenooezhewabezeenanemegoom emuh oodenoozooweneneng owh Jehovah Jesus Kuhya Kekesha Muhnedoomenaun Ookechejechaug-oong. *1 Cor. vi. 11.*

8. Kah kuhnuhga nahneboomahsewug menek kakeshkahwahjeg Christ Jesusun, bamahdezeseogoo azheseneneneg oojechangoowene enanduhmoowen. *Rom. viii. 1.*

9. Emuh kedabwaweneneng oonjepeenewh, dabwamahgud suh Kedekedoowen. *St. John, xvii. 17.*

10. Eshquauch edush nekahneseoog wagoogoogwanedooganun duhyabwamahgudoogwan, wagoogoogwanedooganun duhyabwamahgudoogwan, wagoogoogwanedoogwanun waneseshenooaganun, Wagoogoogwanedooganun quhyukwuddooganun, wagoogoogwanedooganun pahnuddooganun, wagoogoogwanedooganun manwahbemenahgwuddooganun, wagoogoogwanedooganun manowahweendahgunewunooaganun, keshpen menooezhewabezewen ayahmahguddoogwan kuhya keshpen e-ewh kamenooduhzhendah-

mengebun, enewh nahnahgahdahwandahmook. *Phil.* iv. 8.

11. Me muh nahsaub ah-owh pazhek enene kekuhgaun-
zetzung, nebawah kemujjeezhewabezeahwug; me nahsaub
emuh oonuhettuhmooweneng owh pazhek, nebawah tahoon-
jemenooezhewabeze-enanemahwug. *Rom.* v. 19.

*Moojegunduhmowen, mahmauzhetwahwen, kuhya kahgega-
bemahezewen.*

12. Oodezhahwenun menwandahgwuddenewun kuhya
kukkenuh oomekaunsun, pezaunewawene mekaunsun ah-
wunnoon. *Prov.* iii. 17.

13. Emuh dabwayanduhmooweneng keduhzhemenooez-
hewabeze enanemegoonau, kemenooewejekewaahmahnaun
ah-owh Kesha Muhhedoo ween oonje Tabanemenung Jesus
Christ. *Rom.* v. 1.

14. Benuh gooshah apeech sahgeönung owh Wayoose-
mend Kesha Muhnedob oonejahnesun cheezhenekahnegoo-
yung. 1 *John* iii. 1.

15. Ewh neboowen keonjegahda emuh mahmauzhetwah-
weneng. Neboowen ahneende ahyaug kepuhdukkoowawen,
O Chebaguhmeg ahneende ahyaug kemahmauzhetwahwen,
E-ewh neboowene puhtuhkuhoowawen bahtahzewen ahwun
kuhya tebakoonewawen ahwun wanjemushkahwuk ewh
bahtahzewen; tahmahmooyahwahmah dush ween onje Je-
sus Christ Tabanemenung. 1 *Cor.* xv. 56, 57.

16. Neen suh nendou ewh ahbejebahwen kuhya ewh be-
mahdezewen owh dahyabwayanemed mesuhwah goo kene-
bood pooch dush ween kayahba tahbemahezewe, ahwagwan
kuhya bemahezegwan dabwayanemed dush kahwekah
tahneboose. *St. John*, xi. 25, 26.

17. Kahgega bemahezewen oomeegewan owh Kesha
Muhnedoo ween oonje Jesus Christ Tabanemenung. *Ro-
mans* vi. 23.

CHAPTER XL

Kaehzedoodahwahpun enenewug, Kesha Muhnedoon.

1. Bemahezewungwan ah-owh Tabanenga kebemahez-
etahwahnaun kuhya naboowungwan Tabanenga keneboo-

tahwahnaun. Bamahdezewungwan suh dush gamah naboo-
wungwan owh Jehovah ketebanemegoonaun. *Rom. xiv. 7. 8.*

2. Wahsenewagwan gamah manequawagwan nuhmunj
kuhya anuhnookewagwan ewh cheoonjepzhegandahgoozed
owh Kesha Muhnedoo kuhkenuh doodahmook. *1 Cor. x. 31.*

Tabwayanduhmoowen.

3. E-ewh dabwayanduhmeng ahwun wanjetaungenahmung
enewh uhyeēen nanduhwanduhmungoon, wanjepuggukkan
duhmung enewh uhyeēen wahyahbunjegahdasenoongen.—
Heb. xi. 1.

4. Kahween bahpesh kuhnuhga oogahmenwanemooahseen
Kesha Muhnedoon owh ayaunseg dabwayanduhmoowen
Ah-owh mahween nuhyaunzekahward Kesha Muhnedoon
tahdabwayandum ewh ahyahned ewh edush kuhya menoo-
megewatahward kaaungwahmeunduhwahbemegoojen. *Heb.*
xi. 6.

5. Ewh noondumeng tabwayanduhmoowen oonjemahgud
kuhya ewh noondummoowen emuh oodekedooweneng owh
Kesha Muhnedoo oonjemahgud. *Rom. x. 17.*

6. Jesus Christ oogemahjekaun kuhya oogekezhetoon e-
ewh nedabwayanduhmoowenenaun. *Heb. xii. 2.*

7. Tabwayanem owh Tabanemenung Jesus Christ, kegah-
bemahejegoo dush. *Acts xvi. 31.*

8. Emuh oodaewaung enenewug tabwayanduhmoog che-
quhyukezhewabezeēndwah. *Rom. x. 10.*

9. Debeshkoo goo e-ewh weyow ayahsegoon oojechaug
azheneboomahguk me nahsaub kuhya ween e-ewh Tabway-
anduhmoowen duhgoosenook menoochegawenun azhene
boomahguk. *James ii. 26.*

10. E-ewh dabwayanduhmoowen mahmauzhetoan e-ewh
uhkewene enanduhmoowen, Ewh Tabwayanduhmoowen
oopenneeton oo-daemah Ewh tabwayanduhmoowen emuh
sahgeedeweneng duhizheahnookemahgud kuhya aungwah-
mezemahgud cheanwahjemahguk emuh menooahnookewe-
neng. *1 John v. 4. Acts xv. 9. Gal. v. 6. Titus iii. 8.*

Quakanduhmoowen.

1. Owh Kesha Muhnedoo ookuhgannzoomaun kuhkenuh enenewun debe anduhnezenenegwan chequakanduhmened. *Acts xvii. 30.*

2. Quakanduhmook kuhya dabwatuhmook ewh menwah-jemoowen, keshpen quakanduhsewag kuhkenuh kenuhwah tatebeshkoo kegahezhebahnahdezeem. *St. Mark, i. 15. St. Luke, xiii. 3.*

3. Quakanduhmook kuhya quakenedezooyook e-ewh kah-
ezhemujjeezhechegayag, ewh chebahnahjeegoosewag. *Eze-
kiel xviii. 30.*

4. Nengapuhzegwe, nengahezahnnun owh noos oo-oo nengahezheguhnoonah. Noosa nengemujjedoodahwah suh owh eshpemeng ayaud kuhya dush goo keen kah dush ka-
yahba nendahpetandahgoozese kegwes cheezhenekahnegoo-
yaumbaun. *St. Luke xv. 18, 19.*

5. Bahtahzewen ahwun banahjetoongen ewh tebahkoon-
egawen emuh tebahkoonegaweneng duhgoomahgud e ewh
kakanduhmeng mujjeezhewabezeween. *1 John iii. 4. Rom.
iii. 20.*

6. Mahnoo owh majeezhewabezed oogahwabenahnnun
oodezhechegawenun, kuhya owh quhyukezhewabezeseg
enene ewh oodenanduhmoowen. Mahnoo dush nayaub
oodahnaunzekahwaun Jehovahun oogahshahwanemegoon
edush, kuhya ewh Kekesha Muhnedoomenaun abpeche
mahween oogahahbwayanemegoon. *Isaiah lv. 7.*

7. Kече moojegezem muh enahsuhmeahyahned Kesha
Muhnedoo oodanglemun, pazbek quhyakandummenejen
bahyahtahzejen. *St. Luke, xv. 10.*

8. Ween oogeombenegoon Kesha Muhnedoou, emuh oo-
kechenekahneng cheoogemahwed kuhya chebimahjeewad
chemeenaud Israelun ewh quakanduhmoowen kuhya che-
ahbwayanemendwah *egewh Isrealitug* kemujjeezhewabeze-
waud. *Acts v. 31.*

Ahpanemoong owh Kesha Muhnedoo.

Ahpanem Jehovah anegookoodaayun kuhya kagoo oozh-

oojekahbahwekan emuh tebenuhwa kenebwahkahweneng.
Proverbs, iii. 5.

2. Emuh kuhkenuh kedezhewabezeweneng ween Kesha Muhnedoo aphanemoon kegahquhyukoowenek edush. *Proverbs*, iii. 6.

3. Puhgenuhmou owh Jehovah kemewunekaun ween dush kegahbemeahsoonek. *Psalms* iv. 22.

4. Puhgedenuhmou kuhkenuh kebahmandahmoowennun ween muh kebahbahmanemek. *1 Pet.* v. 7.

5. Kahween oogahkootunseen majeenuhkummegukken; ewh ooda mushkahwezemahgudene, aphanemood Jehovahun. *Psalms* cxii. 7.

6. Kesha Muhnedoo suh owh keduhpuggunzhenezhemoo-wenenaun kuhya kemushkahwezewenenaun; kenetumee wedookahgawenenaun sanuggezeyungoon. *Psalms* xlvii. 1.

7. Ahnuhmeatahweshen emuh megooshkahjekezheguk-ken kegahshahboowenenen kush; keen dush kegahpezhe-gandahgew. *Psalms* l. 15.

Kaezhekoosendebun owh Kesha Muhnedoo.

1. Jehovah quasungoon me uhpe mahjenebwahkaung. *Proverbs* ix. 10.

2. Kagoo koosahkagoon egewh natoojeg weyou, eshquauch edush gagoo ayaunsegoog chedoo-dahgawahpun, koosek atuh ween kashketood keeshquahnesaud cheneswabenaud ewede mujje shkootang. *St. Luke*, xii. 4, 5.

3. Umba tubgah dush aungwahmesedah kakanduhmeng keweendahmahgooyung chepeendegayungoobun emuh oodunwabeweneng, ahweyah kenuhwh anduhcheyag che-noondawuhnetoosseg. *Heb.* iv. 1.

4. Me nahsaub Wayoosengad azheshahwanemaud tebe-nuhwa oonejahnesun me nahsaub owh Jehovah azheshah-wanemaud quaseggoojen. *Psalms* x. 3, 13.

Kaezhesahgeungoobun owh Kesha Muhnedoo.

1. Kedahsahgeah Jehovah Kekesha Muhnedoo anegoo-koodaayun anegookoojechoangooyun kuhya anegookquan-

dahmun kuhya apeecheweyun; me oo oo nahahnemahguk kache enandahgwuk kuhgequawen. *St. Mark*, xii. 30.

2. Keshpen ahweyah enene sahgetood enewh uhkeeng wanzekahmahgukken kahween kuhnuhga oosahgeahseen Wayoosemenenjen. 1 *John*, ii. 15.

3. Kesahgeahnaun ween *Kesha Muhnedoo* netum muh kegesahgeëgoonau. 1 *John*, iv. 19.

Kaezhenuhettahmungebun oodenahkoonegawen owh Kesha Muhnedoo.

1. Me ewh sahgeung owh *Kesha Muhnedoo* uhpe ganuh wandahmahwungoon ewh ookuhgequawen. 1 *John*, v. 3.

2. Keshpen sahgeëyag, nenkuhgequawenun menjemenahmook, kenuhwah keweejekewaenenem keshpen azhechegagag menek azhekahgaunzemenahgoog. *St. John*, xiv. 15, and xv. 14.

2. Kegemenooezhechega keen waneshesheyun. Kuhya quhyuk azhewabezeyun bameetahgayun, peendegan keen emuh oomoojegezweneng owh *Tabanemek*. *St. Matthew*, xxv. 21.

Puhgedenedezoowen magwah katemahgezeng.

1. Puhgedenahmoowek keyouewaun ah-owh *Kesha Muhnedoo* tahbussanendezooyook emuh enuhsahmuhbed owh *Jehovah*, ween kegahooneshkahbenegoowah. *James* iv. 7, 10.

2. Nengwes kagoo neshkabhundukan owh *Jehovah* oopuhzhunzhaegawen, kagoo kuhya shahgwewekan uhpe nuhnebekemeken, owh mahween *Jehovah* sahyahgeahjen oopuhzhunzhawaun kuhya oopukkettawaun anduhched oogwesun, wadapenahjen. *Heb.* xii. 5, 6.

3. Me suh owh *Jehovah*, mahnoo tahezhechega e-ewh anandung. 1 *Sam.* iii. 18.

4. *Jehovah* kemegewa kuhya owh *Jehovah* keëkoonewa ahpezhegandahgwuddene odoonoozoowen owh *Jehovah*. *Job* i. 21.

5. Noosa keshpen quhyukwuk mahnoo ewh menequahjegun nengahkebekahgoon; Nendahwah suh azhe nundahwandahmun keen, kahween neen anandahmaun tahezhewabuhsenoon. *St. Matthew*, xxvi. 39, 42.

6. Nahnauzh egoo nebooyun aungwahmezen, kegemeenen edush kahgega bemahdezewene wewuhquaun. *Rev.* ii. 10.

7. Nengekecheshahwandahgoot e ewh kahahnemezeyaan *Psaln* cxix. 71.

8. Enewh nayaungung kesunnuggezzewenenahnen wanebek atuh ayang kekushkettahmahgoonaun e ewh nahwuj machaug kahgega apetenahgwuk pezhegandahgootewen. *2 Cor.* iv. 17.

9. Kah mahween kegunnuhwahbunduhsenahnen enewh uhyeëen wuhyahbunjegahdagen me atuh enewh uhyeëen wuhyahbunjegahdasenoogen. *2 Cor.* iv. 18.

10. Enewh uhyeëen wuhyahbunjegahdagen ahjenah duhgomahgudoon enewh dush ween uhyeëen wuhyahbunjegahdasenoogen kahgeneg duhgomahgudoon. *2 Cor.* iv. 18.

Kechetwahweënd unduhwekezhewuhend uhnuhmeatahwend kuhya wahwezhanemend owh Kesha Muhnedoo.

1. Kechetwahwanemek owh Jehovah kaezhekechetwahweëndebun undahwekezhewahnek owh Jehovah emuh menwahbuhmenahgwuk menoozhewabézeweneng. *Psaln* xxix. 2.

2. Wanahgooshengen, kakezhabahwegukken kuhya nayahwuhguagen nengáhahnuhmeah ween dush oogahnoon-daan nemesettahgootewen. *Psaln* lv. 17.

3. Egewh kachetwahwanemejeg neen nengahkechetwahwanemaug ékedoo owh Jehovah; egewh dush nashkahbuhmejeg noondaush tahahpetanemahwug. *1 Sam.* ii. 30.

4. Kechetwahwanem owh Jehovah emuh kuhkenuh me-nek dabandahmun kuhkenuh kuhya netum wahyahbetagmenek natahwegeng, enewh dush kepuggundegaweguhme-goong cheoonjequaushkooshkenamahguk. *Prov.* iii. 9, 10.

5. Ahnooj egoo gagoo oonjemahmooyahwan, me muh oo oo azheundahwanemenag owh Kesha Muhnedoo emuh Christeng. *1 Thess.* v. 18.

6. Kechetwahwanem owh Jehovah O Nenjechaug kuhya kagoo wuhnandukan kuhkenuh oogeegaewawenun, owh ahyahbwayandahmook kuhkenuh kebahtahzewenun kuhya

nwahjemootook kuhkenuh kenuhnepenezewenun. Ween owh bamahjeek cheneshwahnahdezesehun kuhya pahsekoonek emuh kechekeshawahdezeweneng. *Psaln* ciii. 2—4.

7. Mahnoo mashenuddeneg oodekedoowen owh Christ peenjenah ayahmook emuh kuhkenuh nebwhakaweneng chekekenooahmahdeyag chekuhgaunzoondenyag emuh ahnuhmeahwene nuhguhmooweneng, nuhquaahmahdeyag kuhya chemenwawayag emuh kedaewaung, wahwezhanemag owh Jehovah. *Col.* iii. 16.

8. Wahsenewagwan gamah manequawagwan gamah goonuhmunj azhehegawagwan kuhkenuh doodahmook cheoonjepeshegandahgweend Kesha Muhnedoo. *1 Cor.* x. 31.

9. Kepahgoosanemenem dnsh nekahneseoog e-ewh shahwanjegawen owh Kesha Muhnedoo cheoonjepuhgedenahmag enewh keyouewaun, bamahduk sahsahgawejegawen pahnuh kamenoo-oodahpenung Kesha Muhnedoo, me muh oo oo. kaezhechegayagoobun. *Romans*, xii. 1.

10. Kagoo megooshkahje nundahwandunkagoon gagoo, kuhkenuh suh anduhwanduhmagoon weenduhmoowek owh Kesha Muhnedoo emuh keduhnuhmeahwenewaung kuhya emuh mahmooyuhwaweneng. *Phil.* iv. 6.

11. Ahkoowahbeyook kuhya ahnuhmeahyook cheenckahsewag emuh kuhgwajeewaweneng. *St. Matthew.* xxvi. 41.

12. Kashkeawuddeneg oodaungwahme-ahnahmeahwen owh quhyuk azhewabezed nebawah ahpetandahguddene. *James* v. 16.

13. Andoodahmahgag kegahmeenegoom edush, undahwahbeyook kegahmekaum edush, pahpahkesuhgeegag kegah nesahkoonuhmahgoom edush. *St. Luke*, xi. 9.

14. Koosawah eshpemeng anduhhezid oogahmeenaun ookecheoojechaugwan, kaundoodahmahgoojen. *St. Luke*, xi. 13.

15. Mahnoo tahshahwandahgooze, taheshpandahgooze tahshahwandahgooze kuhya tahmushkahweze wawanuhbed oogemahwuhbeweneng kuhya Mabneshtahneshausa kahgeneg uhpna kahgeneg. *Revelations*, v. 13.

CHAPTER XII.

Anahduk ewh Church.

1. Jesus Christ negahneze menek anduhcheng emuh ooduhnuhmeahweneng tahnahsah tebenuhwa weyouayahwung. *Eph. i. 22, 23.*
2. Kuhkehuh egewh mezeewakuhmeg waundungeg e-ewh oodoonoozoowen owh Jesus Christ Tabanemenung nuhyazh kuhya wenuhwah Tabanemegoowahjen kuhya dush egoo kenuhwend. *1 Cor. i. 2.*
3. Owh Christ Kedow, Wayoosemud bamadezed Kesha Muhnedoo. *St. Matthew, xvi. 16.*
4. Oomah metahbekoong nengahmenjemoosetoon nenduhnuhmeahwen, Kahween edush enewh mujjeshkootawene eshquaundamun tahmahmauzhewamahgussenoon. *St. Matthew, xvi. 18.*
5. Ewh Kesha Muhnedoo oowegewaum bamahdezed Kesha Muhnedoo oodahnuhmeahwen anduhzheahsookeseng kuhya anduhzhe menjemooseng ewh dabwawen oodendahwen owh Kesha Muhnedoo emuh oojechaugwung. *1 Tim. iii. 15.*
6. Kahween suh dush kayahba kemuhyuggezeseem mesuh atuh duhgoo-oo-datoomagwah egewh anuhmeahjeg kuhya Kesha Muhnedoo pamenahjen. *Eph. ii. 19.*
7. Kahween quhyuk-ezhewabezewene ezhechegawenun kahezhechegayung oozhahwanjegawen atuh kegeoonjebemahjeenoonan emuh aunjegeeweneng kesebegengooyung enewh ookeche oojechaugwun. *Tit. iii. 5, 6.*
8. Pazhekun weyou kuhya pazhekoo oojechaug nahsaub azhe nundummegooyag emuh pahyazhekwung ahpanemoo-weneng pazhekoo Tabanenga pazhekun dabwayanduhmoowen pazhekun Baptizemewawen, Pazhekoo Kesha Muhnedoo Wayoosemaud kuhkenuh enenewun. *Eph. iv. 4, 6.*
9. Aungwahmoosayook kaezheangwahmoosayagoobun kenuhwah manoonummegooyag emuh kuhkenuh tahbusanendezooweneng kuhya ketemahganendezooweneng kuh-

ya emuh soongummundummooweneng emuh sahgeedeweneng cheduhzheshahzhebege datahdeyag chewekoojegunnahwandummag ewh oo-pazhekoowen owh oojechaug emuh pezaunbemahdezewene-ketuhkoobezooweneng. *Eph. iv. 1-3.*

Kaezhekechetwahwanduhmungwahpun Makuhidaya kuhnyag.

10. Tuhgah enenewug nenguhennuggemegoonahnég debeshkoo oo-dooshkenegemun owh Christ kuhya ganuhwandungeg eweh mahmaundahkekanjegawenun owh Kesha Muhnedoo. 1 *Cor. iv. 1.*

11. Nenuhwend nendahwemen anoonahjen owh Christ, debeshkoo owh Kesha Muhnedoo kahnundummenag nendezheahnookemen nenuhwend, kenundummegoom debeshkoo goo Christ azhehegajen cheweejekewandundahmoónag owh Kesha Muhnedoo. 2 *Cor. v. 20.*

12. Aungwahmenedezoon kuhya ewh kekuhgequawen, menjemandun oo-oo muh azhehegayun kegubhemahjeédez kuhya egewh bazendookeg *kegubhemahjeaug.* 1 *Tim. iv. 16.*

13. Kedundahwanemegoom, wawekahnesemegooyag, chekekanemagwah egewh anookeejeg emuh ayahyag kuhya egewh nahgahnezemenagoog emuh Tabanengang kuhya kakekemenagoog cheoonjkechetwahwanemagwah emuh sahgeedeweneng, e-ewh anandahgwuddeneg oodahnookewenewaun. 1 *Thess. v. 12, 13.*

14. Bahbahmeetahwek egewh tabahkoonenagoog kuhya puggedenedezook, oogunnahwanemahwaun muh kejechaug-ooawaun debeshkoo goo egewh kawahweendamhagajeg cheoonjewahweendamhagawaud emuh moojegezeweneng kahween emuh nuhnuhwedaáweneng. *Heb. xiii. 17.*

15. Kahween kegahahnezheetunseem chemahwunjeédeyag. *Heb. x. 25.*

16. Nengemenooandum uhpe azheewauid tuhgah ahwepeendegadah emuh oowegewahmeng owh Jehovah. *Psaln cxxii. 1.*

17. Debe mahwunjeedewahgwan neezh gamah neswe emuh nendezhenekahzooweneng, mesuh nesuhwuhyeéé ayahwauid anduhnezeyaun. *St. Matthew, xviii. 20.*

18. Jesus keëkedoo pezaun-bemahdezewen kegahkeshkahgoonahwah debeshkoo owh Noos kahahnoozhed mesuh nahsaub azheahnoonenuhgoog Benuh keweejewenem kahgeneg, peenesh egoo cheëshquahuhkewung. *St. John*, xx. 21. *St. Matthew*, xxviii. 20.

Baptizemewawen kuhya ewh pahnuh shuhkummoonedewen.

1. Ahwekekenoahmahwek kuhkenuh menek anduhswayuggezewaud bamahdezejeg baptizemeëk edush emuh oodezhenekahzooweneng owh Wayoosemend kuhya Keche oojechaug. *St. Matthew*, xxviii. 19.

2. Qwakanduhmook baptizemegoozeyook edush emuh oodezhenekahzooweneng owh Jesus Christ chewabenhahmahgooyag kebahtahzewenawaun. *Acts* ii. 38, 39.

3. Puhzegwen baptizemegoozen chekeseahbahwag kemujeezhewabezewenun chenuhnaunduhmagazhenekahzood owh Tabanenga. *Acts* xxii.

4. Owh Puhazhegood oojechaug kuhkenuh kegimahwun doobaptizemegoomen emuh pazhekung weyoueng Mesuhwah Jeweyung gamuh Gentileweyung mesuhwah goo ahwahkahneweyung gamuh tebenuhwa debanendezooyung. *1 Cor.* xii. 13.

5. Kegeweejnengwahmegoomen emuh oonebooweneng owh Christ uhpe kebaptizemegooyung Nahsaub egoo owh Christ kahezheahbejebahegood pashegandahgoozenejen Wayoosemenjen; megoo kuhya kenuhwend kaenoosayungoobun emuh ooshkebemahdezeweneng. *Romans*, vi. 4.

Ewh Pahnuh Shuhkummoonedewen.

6. Owh Tabanenga nengekekenoahmahng debeshkoo goo kuhya neen kahkuhkenoahmoonubgoogebun nahsaub tabecuddeneg uhpe kahbahtahend ah-owh Tabanenga Jesus oogeoodahpenaunun buhquazhegunun uhpe dush kahmahmooyahwad oogebuhquabenaunun oo-oo oogeenaun, oodahpenek ahmook edush maundah neyou kenuhwah kahbuhquabedahmahgooyag oo-oo ezhehegag chemequanemeyag. *1 Cor.* xi. 23, 24.

7. Medush egoo nahsaub kahezheoodahpenung ewh me-

nequahjegaunse uhpe dush kahmenequad oogenaun, oomeezhenahwahmun mesuh oo ooshkekekendewene menequahjegaunse ayahwung, emuh nemesqueemeng oo oo ezhechegayook duhcheng menequayagoon chemequanemeyag. 1 *Cor.* xi. 25.

8. Duhcheng suh goo aumwagoon maundah buhquazhegun kuhya duhcheng menequayagoon maundah menequahjegaunseng kedebahduhdahnahwah ewh Tabanenga ooneboowen, peenesh egoo tuhwesheng. 1 *Cor.* xi. 26.

9. Enene tahnundahkekanendezoo me mahnoo dush ewh oogahzehaumwaan enewh buhquazhegunun kuhya oogahzehemenequan emuh maundah menequahjegaunseng. 1 *Cor.* xi. 28.

CHAPTER XIII.

Kadoodahdewahpun enenewug.

1. Dabwayandahgwud suh maundah ekedoowen kuhya kenundahwanemen oonoo uhpurna cheezhekuhgequayun egewh suh tuhyabwayanemahjeg Kesha Muhnedoon cheweaungwahmemenjemenahmahwaud menoohnookewenun. *Tit.* iii. 8.

2. Sahgeedewen, kahween oobahtahahseen weejekewayun mesuh dush sahgeedewen wanjemooshkenasetoong ewh Tebahkoonegawen. *Romans* xiii. 10.

3. Kechesahgeedeyook, wawekahnesendejeg kaezhesahgeedewahpun eshpandahgoozeweneng chenegahnandeyag. *Rom.* xii. 10.

4. Me oo kuhkenuh enenewug kaonjekekanemenagwah e-ewh meezhenahwamenuhgoog keshpen mamashq'aud suh sahgeedeyag. *St. John*, xiii. 35.

5. Pazhekoo suh owh Tabanemenag owh egoo Christ kuhkenuh dush kenuhwah kedoowekahnesendeem. *St. Matthew*, xxiii. 8.

6. Keshpen kushkeawuk menek kenuhwah azhekushke-tooyag kuhkenuh enenewug pezaunewedegamek. *Romans*, xii. 8.

Shahwanedewen Kuhya Ahbwayanedewen.

7. Mahnoo kubkenuh wesuggesheenganendewen kuhya neshkahdezewen kuhya mujjeduzzhendewen kuhya oombeahnuggedoonoowen kuhya mujjegahnoonedewen tahekoonegahda emuh ayahyag kuhya kuhkenuh sheenganendewen. *Eph. iv. 31.*

8. Keshawahdezetahteyook ketemahganendeyook mashquaud cheahbwayanendeyag debeshkoo goo owh Keche Muhnedoo oonjahpetandahgoozened Christ kahezheahbwayanemenag. *Eph. iv. 32.*

9. Sahgeek nashkanemenagoog Shahwanem egewh nahyahneboomenagoog, menoodoodahwek egewh shaunganemenagoog kuhya ahnuhmeatahwek egewh nanahpahgaunzheenagoog quatuggeenagoog. *St. Matthew, v. 44.*

10. Kache sahgeenuhgoog kagoo ahyahzhetahwahedezoo kagoon, ahyeda atuh tuhwegedaatahdeg oo oo mah oozhebeggahda neen nenduhyeem ahzhetahwahedewen neen nengahtebahega ekedoo Jehovah. *Rom. xii. 19.*

11. Shahwandahgoozewug suh egewh chepezaunezeng anuhkummegezejeg me muh oogoo oonejahnesun owh Keshah Muhnedoo kaezhenekahnendjeg. *St. Matthew, v. 9.*

Menoodoodahdewen Kuhya Shahwanjegawen.

12. Wagoodoogwanedooganun enewh kanundahwahbun-dahmahwagwah enenewug chedoodoonagwah me kuhya kenuhwah nahsaub doodahwek mesuh oo oo kuhgequawen kuhya enewh aunwahchegawenun. *St. Matthew, vii. 12.*

13. Meenek suh dush kuhkenuh azhetebanduhmoowaud, tebahahmouwek ah-owh katebahahmahgoozepun, koosek egewh kakoosendebuneeg, kechetwahwanemek kakechetwahwanemendebuneeg. *Romans, xiii. 7.*

14. Kuhkenuh kenuhwah nahsaub enanendeyook cheshahwanendeyag wawekahnesendengen cheezhesahgeedeyag ketemahganendeg wahwekeedeyook. *1 Pet. iii. 8.*

15. Netahshahwanjegag nahsaub egoo owh koosewah kuhya ween azhenetahshahwanjegad. *St. Luke, vi. 36.*

16. Shahwandahgoozewug suh egewh natahshahwanjega-jeg, tahshahwanemahwug muh. *St. Matthew*, v. 7.

17. Ow h suh katemahganemaud katemahgezenejen, Tabanengan oodahweaun gagoo. *Proverbs* xix. 17.

Tabwawen Kuhya Kekenooahmahdewen.

18. Kagoo mujjeenandunkagoon e-ewh dush kenuhwah kuhnuhga chemujjeenemegoosewag Wagoonan wanje mujjeenanemud kekahnesh? gamah wagoonan wanje ahnesanemud ow h kekahnesh? Kuhkenuh kenuhwend keganebouwemen enahsummeahyahneg ewh ootebahkoonegawene puhbewen ow h Christ kuhkenuh suh dush anduhcheyung keganetebahjendezoomen Kesha Muhnedoo cheweendahmahwung. *St. Matthew*, vii. 1. *Romans* xiv. 10, 12.

19. Keneweshkemahgukken oodoonun ookuhgwahnesuh gandahnun ow h Jehovah Wabenahmook kenuhweshkewen, anduhched enene oogahquuhyukwahjemootahwaun ooweejebemahdezemun, kuhkenuh kaneweshkejeg oogahdahyahnahwah oodunduhnuhkewenewaun emuh keche guhmeeng mahzhemahgwuk eshkootawung. *Proverbs* xii. 22. *Eph.* iv. 25. *Rev.* xxi. 8.

20. Ow h kaquakahdezeaud majeezhewabezenejen azhe wuhnesheneng oodezhewabezewen, neboweneng oogahoonjebemahjeaun ojechaugwun kuhya keche nebawah bahzahzewenun oogahgahdoonun. *James* v. 20.

21. Debeshkoo goo azhesahgeedezooyun kegahezhesahgeah ow h keweeljebemahdezem. *St. Matthew*, xxii. 39.

CHAPTER XIV.

Anuhwandejeg kadoodahdewahpun.

1. Wanahbaweyag sahgeek kewewewaug nahsaub goo kahezhesahgetood ewh ahnuhmeahwen ow h Christ kuhya keoonjemeegewad tebenuhwa weyou, mesuh kuhya enenewug kaehzahgeahwahpun oowewewaun debeshkoo goo enewh tebenuhwa ooweyahwewaun, ow h sahyahgeaud we-wun ween sahgeedezoo. *Eph.* v. 25, 28.

2. Washeyag puhgedenahmahwek enewh keyouewaun egewh kenahbamewaug, nahsaub kaezhepuggedenahmoowagoobun owh Tabanenga Mahnoo owh washed oogahnundahkekandaun kaezhekechetwahwanemaud oonahbamun. *Eph. v. 22, 23.*

3. Kenuhwah wayoosemegoooyag kagoo kubgaunjedadaahkagoon kenejahnesewaug cheneshkahdezewaud equegenek atuh emuh oopemenewaweneng kuhya ookuhgequaweneng Tabanenga. *Eph. vi. 4.*

4. Wanejahnesemegooyag nahettahwek keketezemewaug emuh Tabanengang me muh kaezhewabukebun. *Eph. vi. 1.*

5. Nengwes bezendun e-ewh ookuhgequawen owh koos kuhya kagoo pooneguhnuhwandukan e-ewh ooduhnakoonegawen owh keguh. *Proverbs i. 8.*

6. Wagemahweyag meenek egewh kebuhmeetahgunewaug ewh quuhyukwuk kuhya ewh kadesih anandahgwuk kekandahmag ewh kuhya kenuhwah wadoogemahmeyag ewede eshpemeng. *Col. iv. 1. Eph. vi. 9.*

7. Kahgaunzomek buhmeetahgunug chenuhettahwahwaud tebenuhwa wadoogemahmewahjen kuhya ahnooj chezhemenwanduhmoonahwaud, kahween cheahzhedaangasegwah kahween chekubkemoodesegwah, me atuh chewahbundahehawaud e-ewh kuhkenuh aungwahmezewen, ewh egoo chemenwahbuhmenahgootowaud ewh ookuhgequawen owh Kesha Muhnedoo bamahjeënung. *Tit. ii. 9, 10. 1 Tim. vi. 1, 2. Col. iii. 22, 25.*

Tabahkoonewajeg Kuhya Tabahkoonendjeg.

8. Owh suh tabahkoonaud enewun tuhquhyuk ezhewabeze emuh ookoosettahgunezeweneng Kesha Muhnedoo chedezhetebahkoonegad. *2 Sam. xxiii. 3.*

9. Mahnoo kuhkenuh bamahdezede oodahpuggedenah moowah weyou ashpandahgoozenejen, kah muh nengooche oonzekahmahgussenoon ewh negahnezewen Kesha Muhnedoong atuh pahoonzekahmahgud negahnandahgoozewenun uhkeeng atagen oodoozhetonun owh Kesha Muhnedoo. *Romans xiii. 1.*

10. Koosheh owh Jehovah kuhya owh wagemahwed kagoo dush wedookahwahkan quakenahkoonegawen sahyah-getoojeg. *Prov. xxiv. 21.*

11. Kechetwahwanemek kuhkenuh enenewug sageek wa-wekahnesendejeg koosek owh Kesha Muhnedoo kechetwahwanem owh kedoogemahmewah. 1 *Pet. ii. 17.*

CHAPTER XV.

Kaezhesettopun tebenuwa oodenandemoowen owh enene.

Tahbussanduhmoowen.

1. Kesha Muhnedoo oodahzbedakahwaun manah danendezoonejen oomeenaun edush ween ooshahwanjegawene wedookahgawen tabussanemoonejen. *James iv. 6.*

2. Oo oo suh ekedoo Jehovah kagoo ween owh nabwahkaud enene tahoonjewezhandunse tebaharwa oonebwhakawen kah kuhya ween owh mashkahwezede enene oomushkahwezewen tahoonjewahwezhandunse kah owh kachetwahwezede enene tahoonjewahwezhandunse e-ewh ookechetwahwezewen Mahnoo dush ween owh wahwezhangad, maundah tahoonjewahwezhandum, e-ewh nesettahwanemed kuhya e-ewh kekanemed e-ewh Tabanengayaun anookahduhmaun e-ewh sahgedewene gegaewawen uhkeeng me muh oomahdenoong neen menooanduhmaun, ekedoo owh Jehovah. *Jer. ix. 23, 24.*

3. Bezendahwesheg kekenooahmahgayaunen ekedoo owh Bamahjeönung nenookahdez muh kuhya nendahgahsanem emuh nendaeng Kegahmekahnawah dush aunwabewen emuh kejechaugoowaung. *St. Matthew, xi. 29.*

4. Owh kahooshquabeshked kuhya owh nabahzeded tahketemahgezewug. *Prov. xxiii. 2.*

5. Kagoo mahdahadookan oomekunemewaun egewh majeëzhewabezejeg kuhya kagoo ezhabkan emuh anduhnezewaund egewh mujeëneneeg, uhnemewaushkan kagoo emuh peezhabkan Quaketun Mahjaun edush, ewh muh oodenahdezewaun egewh majeëzhewabezejeg sunnuggudene. *Prov. iv. 14, 15, xiii. 15.*

6. Mahnoo owh enene tabahnookkee emuh oonenjeeng che-ahnookahdung e-ewh wanesheneneg e-ewh dush nuh chekushketood gagoo, manazenejen chemeenaud. *Eph. iv. 28.*

Nahanduhmoowen.

7. Ahzhe nendakekenuhahmahgoo e-ewh egoo menek dandahmaun chenuhanduhmann. *Phil. iv. 11.*

8. Nahandahmook enewh uhyeëen tabenuhwawezeyagoon Kesha Muhnedoo muh keekedoo, kahween wekah kegahnungenesenoon kah kuhya kegahwabenesenoon. *Heb. xiii. 5.*

9. E-ewh sahgeend owh shooneyah me emuh wauzekahmahguk kuhkenuh mujjeuhyeëewesh. *1 Tim. vi. 10.*

10. Ayahmung mejem kuhya ahgewen Mahnoo nuhandandahnen enewh. *1 Tim. vi. 8.*

Ahgunwatahdezoowen.

11. Keshpen egoo ahweyah enene ekedoo owh *Bamahjeening* wenuhnoopenuhzhed Mahnoo suh tahahgunwatahdezoo kuhya oogahoodahpenaun anduhsoo kezheguddeneg e-ewh odahzhedayahtegoom. *St. Luke, ix. 23.*

12. Ahneen owh enene oondezed mesuhwah kedebandung ewh uhkee anegoquahneneg, tebenuhwa ojechaugwun wuh neaud. *St. Matthew, xvi. 26.*

Nahnahghadahwaniluhmoowen.

13. Nengenahnahghadahwandahnun enewh nendezhewabezewenun emuh dush kedebahjemooweneng nengeezhequakenahnun enewh nesettun Nengewawebez kuhya kahween neketemeshkese chegunnahwandahmaun enewh kekuhgequawenun. *Psalms cxix. 59, 60.*

14. Kedekedoowen emuh nendaeng nengeahsunjegoon e-ewh dush nuh chemujjedoodoosenoonaun. *Psalms cxix. 11.*

15. Nebwahkahkummegezek netahahkundooyook owh muh ahyahzhedashkoonenag Mujje Muhnedoo undahgoo wambegezed mezhebesheeng pabbahahyenoosa nundahwahbuhmaud kaamwahpuneen. *1 Peter, v. 8.*

16. Ahkundooyook kuhya ahnuhmeaug kuhnuhga dush nuh cheëzhahsewag emuh kubgwajeedeweneng. *St. Matthew, xxvi. 41.*

17. Kekenoowahjeëk egewh wahkoojetoogeg chepuhpuk-
kaëdeng kuhya chemujjeenandeng. *Rom. xvi. 17.*

18. Neweejekewayemang kuhkenuh egewh quasekeg
kuhya egewh ganuhwandungeg kekubgaundwawenun.—
Psaln cxix. 63.

*Kuhgatenemezewen; Mahjegeng emuh quuhyukahnuhmeahwen-
eng.*

19. Tuhguh ashkum menooezhewabezedah peenesh egoo
chetakezhetahyung; debeshkoo azhe peenezed owh kahoon
dummenag, me nahsaub kuhya kenuhwah, weezhepeenah-
dezek nenpeenez muhneen. *Heb. vi. 1. 1 Pet. i. 15, 16.*

20. Kahween kedahuhyakoosesemen emuh menoodoodah-
mooweneng; uhpe dush ween debeshkooosa kezhegud kegah
mahmoonahmen keshpen noonda aunwanjegasewung. *Gal.
vi. 9.*

21. Oo oo suh nendezhemoojégezemen azheweendahmah-
guwenahguk nendenandemoowenenahmen e-ewh emuh me-
nooezhewabezeweneng kuhya emuh peenezewene-kuhgate-
nahmezeweneng kahween emuh weyahsewene nebwhakah-
weneng emuh atuh Kesha Muhnedoo ooshahwanjegawene-
oowedookahgaweneng kedahyahmung e-ewh nedezhetwah-
wenenahmen oomah uhkeeng. *2 Cor. i. 12.*

22. Nuhmunj egoo ayendoodahmoowagwan kezhegekah-
mook debeshkoo goo anookeetahwagoon owh Tabanenga
kahween egewh enenewug. *Col. iii. 23.*

CHAPTER XVI.

Azhewabuk kegaegoowen kuhya puhzhunzhaegoowen.

1. Quuhyukahnuhmeahwen mahmahwe wandud ahyah-
moomahguk e-ewh weendahmahgawen chemenoobemah-
dezeyung noongoom, e-ewh edush kuhya nahguk kabemah-
dezeyung. *1 Tim. iv. 8.*

2. Ahnooj uhyeëen mahmahwe ooduhnooketahmahgoo-
nahwah egewh sahyahgeahjeg Kesha Muhnedoon cheshah-
wandahgoozewaud.

3. Keen Oh Kesha Muhnedoo emuh wahweenga pezaun-

bemahdezeweneng kegahezhegunnahwanemeah owh apamek. *Isaiah*, xxvi. 3.

4. Kah kuhnuhga odahyaunseen e-ewh pezaunezewen owh majeezhewabezed, ekedoo Jehovah. *Isaiah*, xlviii. 22.

5. Benuh nenbekezhakah nentebahahmahdewen nepetoon chekadeshkenahmahwugwah kuhkenuh enenewug debeshkoo goo anandahgwuddeneg ooduhnookewenewaun. *Revelations*, xxii. 12.

6. Shahwandahgoozewug suh egewh naboojeg emuh Tabanenga ooduhnuhmeahweneng nabooaud ahnwabewug muh menek kahahnookewahpun. *Revelations*, xiv. 3.

7. Shahwandahgoozewug suh egewh andoodungeg enewh ookuhgequawenun ewh dush chedebandahmoowaud enewh bemahdezewene meteg kuhya cheuhnpeendegawaud eshquaunaewung ewh oodanah. *Revelations*, xxii. 4.

8. E-ewh ooshkenzhak kah-mushe kewahbundahmahgussenoon e-ewh ootuhwug kah-mushe noondahgamahgussenoon kah kuhya kepeendegamahgussene emuh oodaeng owh enene *wetakehandung* enewh Kesha Muhnedoo sahyahgeegoojen kahkezhetahmahwahjen. *1 Cor.* ii. 9.

9. Emuh anahsahsuhmubbeyun dahgoomahgud kechemoojezewen, emuh kekechenekaung kahgega oonahnegoozewenun. *Psalms* xvi. 11.

Ewh Eshquaseng.

10. Jesus Christ suh ahzheoodoshtequaunekaun e-ewh wuhyaquaahyahgebun kah kuhya engooche bekennoong ahyahmahgussenoon e-ewh bemahjeewawen kah muh gageo pakauuk enoozowen kegemeenegosenaun oomah anegookwaug uhkee kaonjebemahjegooyungoobun. *Acts* iv. 12.

11. Tuhguh noondudah e-ewh goo wuhyaquahahyang ewh mahmahwe undahwandahgoozewen; koosek owh Kesha Muhnedoo kuhya kuhnuhwandahmahwek enewh ookuhgequawenun, me muh oo azheundahwandahgoozed owh enene Owuh muh Kesha Muhnedoo oogahtebahkoonauun kuhkenuh ezchechegawenun Ahnooj goo kakemoodukken Wanesheshenoogwan gamah mahyahnahduhdoogwan. *Ecclesiastes*, xii. 13, 14.